

Codex Laureshamensis Teil: Bd. 1, Einleitung, Regesten, Chronik Nr. 54 (Reg. 3548)

In nomine sanctae et individuae trinitatis. Arnolfus divina favente gratia, imperator augustus. Sciant omnes fideles nostri, tam presentes quam et futuri, qualiter nos ob mercedis nostrae augmentum, et per interventum Liutboldi dilecti comitis nostri, cuidam vassallo nostro nomine Reginbodo, in pago qui dicitur Lobotengouue, in comitatu Liutfridi, in uilla quae dicitur Uirninheim, hubas decem quas ipse prius in beneficium habuit, cum familiis vel mancipiis utriusque sexus, perenni iure in proprietatem concessimus, cum curtilibus, aedificiis, campis, agris, pratis, pascuis, siluis, aquis, aquarumue decursibus, molinis, piscationibus, uis et inuis, exitibus ac redditibus, quesitis et inquesitis, terris cultis et incultis, mobilibus et immobilibus, et cum uniuersis illuc iuste legitimeque pertinentibus. Iussimus quoque hoc presens auctoritatis nostrae preceptum inde conscribi, per quod uolumus firmiterque iubemus, ut memoratus Reginbodo de his omnibus firmissimam habeat potestatem, tenendi, donandi, uendendi, commutandi, vel quicquid sibi exinde placuerit faciendi, absque ullius contradicentis impedimento. Et ut hec donationis nostrae auctoritas firmiorem in dei nomine obtineat stabilitatem, manu propria nostra subtus eam firmavimus, anuloque nostro sigillari iussimus. Signum domni Arnolphi M. imperatoris augusti. Engilpero notarius ad uicem Diothmari archicapellani recognoui. Data XV^a kl. nov. Anno domini DCCC⁰XC⁰VIII⁰. Indictione II^a. Anno XI⁰ Anolfii regis. Imperii autem eius III⁰. Actum ad Ragenesburch, in dei nomine, feliciter. Amen. Arnolfus imperator augustus.